



UNIVERSITÄTS-
BIBLIOTHEK
PADERBORN

**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**

Specimina exhibens Moderationis Pontificiæ, à P. Daniele Concina violatæ

Zech, Franz Xaver

Ingolstadii, 1749

Art. 1. Notitia de Jure Naturali.

[urn:nbn:de:hbz:466:1-63772](#)

SECTIO V.

De Statuto Principis.

§. 118.

Cum aliis honestis Viris hucusque egimus. Jam in *De Statuto Principis* approbante usus. theatrum prodire gestit P. Daniel Concina, in sacrum to Principe furem actus ex quorundam doctrina, qui pro justo titulo *Statutum bante usus.* aliquid in mutuo ultra sortem exigendi, assignant *Principis*, seu *Confuetudinem.* Operæ pretium est, ut materia istam accuratiū excutiamus.

§ 119.

Id potissimum contra hanc opinionem pugnat, quod *Ordo di- usura Jure naturali & Divino sit prohibita, consequenter cendorum.* licita fieri non possit per Statutum humanum. Ut igitur dilucidè de hoc arguento loquamur, præmittenda sunt quædam de Lege Naturali. De Divina enim non opus est, ut quidpiam ultra addamus; cum hæc ipsa Lex Divina, prohibens usuras, fundetur in difformitate usuræ cum Lege Naturali; alias non obligarent nos Leges Veteris Testamenti usuram prohibentes. Rem omnem distinetis quinque Articulis conficiemus. I. Præmittetur notitia de Jure Naturali. II. Ponetur opinio, quæ dicit, posse aliquid ex Statuto Principis accipi ultra sortem. III. Recensebuntur argumenta P. Concinæ contra hanc opinionem. IV. Respondebitur ad hæc argumenta. V. Demum statuetur propria sententia.

§. 120.

Per *Legem Naturalem* intelligitur, ordinatio Divinæ voluntatis, per rectam rationem promulgata, circa actiones & omissiones (a) creaturarum rationalium, ad rectam

H 3

Artic. I.
NOTITIA
DE JURE
NATURALI
Lex Natus.
ralis
con-

constitutionem & felicitatem humanæ Reipublicæ, Divinis Perfectionibus conformem, necessaria. (b)

(a) Ad *actiones* refertur Lex naturalis *affirmativa*, quæ bona præcipit: ad *omissiones* Lex naturalis *negativa*, quæ mala prohibet.

(b) Lex *permittens*, ac Jus *concessivum*, abusivè tantum, & impro priè ad Legem naturalem reducitur. Illius enim objectum respectu Juris Naturæ, est actus indifferens, nec positivè præceptus, nec positivè prohibitus, qualis est communio aut divisio rerum, libertas, aut servitus hominis. Faciunt tamen aliqui hoc discrimen inter hos ipsos actus indifferentes, quod natura ad aliquos positivè inclinet, & tunc dicunt Jus *concessivum*: ad alios negativè se habeat, non repugnando, & tunc dicunt Jus *permis sivum*. Sic libertas hominis conceditur, servitus permittitur à natura.

§. 121.

Versatur circa principia Morum prima, ac nota per se, tum generalia, e. g. quod tibi non vis fieri, alteri ne feceris: fac bonum: declina à malo: tum particula ria, e. g. Deus est colendus: Justitia est servanda.

§. 122.

Et conclusio: Versatur etiam Lex naturalis circa conclusiones ex pri siones inde mis principiis evidenter deductas. Talia sunt omnia præ deductas: cepta moralia, quæ fundant honestatem moribus necessariam; sive dein proximè & faciliùs, sive per plures ratio nis discursus eruantur, in quorum numero etiam est prohibitio usurarum.

§. 123.

Est immu tabilis: Lex naturalis absolutè est immutabilis, ac indispensabilis, eo ipso quod sit lata pro recta constitutione Reipublicæ hu manæ juxta normam Divinarum Perfectionum. Sicut igitur ipsæ Perfectiones Divinæ, ad quas manifestandas & commendandas omnis natura rationalis ordinatur, sunt immutabiles, & semper eadem; ita etiam Leges dirigente Di vi-

Divina Sapientia & Providentia ad normam æternæ Veracitatis, Justitiæ, Bonitatis &c. latæ, nunquam mutationem subire possunt; cùm aliæ deficere videretur Sapientia & Providentia DEI, creaturam rationalem à fine suo ultimo, etiam naturali, avertens, vel per media inepta dirigenſ. Sive igitur consideremus officia hominis *erga DEUM*, ut rectè de eodem sentiat, eumque debito modo colat: sive *erga proximum*, ut neminem lœdat, jus suum cuique tribuat: sive *erga seipsum*, ut tam corpus, quam animam excolat, séque ipsum defendat: hæc omnia dirigi oportet immotis principiis. His enim mutatis turbaretur recta creaturæ rationalis constitutio, quæ non esset ordinata ad manifestandas DEI Perfectiones; qui tamen finis ultimus necessariò intenditur à Creatoris, & Conservatoris summa Sapientia & Providentia.

§. 124.

Aliæ Leges positivæ possunt deficere, vel *ab intrinseco*, *secus ac alia leges.* per se ipſas, quando ex utilibus fiunt noxiæ: vel *ab extrinseco*, per superiorem potestatem. Utraque harum mutationum contingit, vel *universaliter* in tota lege, eam abrogando: vel in casu *particulari*, in ea dispensando. Nullo ex his modis posse mutationem subire legem naturalem, fusè ostendunt alii, qui dedita opera has tractant materias. (a)

(a) SUAREZ de Legib. lib. 2. c. 13. seq.

§. 125.

Ex legibus naturalibus in se planè immobilibus, ver- *Licet ejus materia* santur aliquæ circa materiam, quæ in tota sua latitudine duas, ut ita dicam, species complectitur, malam aliam, bonam aliam. Sic homicidium aliquod est injustum, aliud est justum. Homicidium justum, e. g. quod fit vel auctoritate publica, vel ad defensionem vitæ propriæ, nequam substans legi naturali, quæ prohibet, ne occidas.

Sub-

Substat autem illi homicidium injustum privata authoritate extra casum necessariæ defensionis perpetratum.

§. 126.

*Sit valde
diversa,*

Econtra in aliis legum naturalium objectis non inveniatur duplex talis species, ut in blasphemia, mendacio, simonia; nam omnis omnino blasphemia, mendacium & simonia repugnat infinitis Perfectionibus Divinis, & recte constitutioni Reipublicæ humanæ: igitur omnis blasphemia, omne mendacium, omnis simonia creaturæ rationalis, est objectum legis naturalis prohibentis: consequenter nulla unquam blasphemia, mendacium aut simonia, potest fieri licita absque mutatione legis naturalis. Homicidium autem potest esse licitum, quin mutetur lex naturalis, quia homicidium ad propriæ vitæ defensionem factum, nunquam erat objectum legis naturalis.

§. 127.

*Verbis ratiōne
men inde
finitis pro
ferri solet.*

Hæc legum naturalium diversitas (§. 125. 126.) ex eo præcipue adstrui debet, quia leges naturales verbis generalibus vel indefinitis solent à nobis ore proferri, quibus tamen non semper dictantur & promulgantur in mente. e. g. Lex de non occidendo, non ita simpliciter & absolutè in mente judicatur, sed cum limitatione & circumspectione; dictat enim ratio, occisionem posse fieri publica authoritate, ad necessariam defensionem sui aut Reipublicæ, vel jussu DEI, qui habet dominium supremum vitæ & mortis. Communiter autem solet illa lex his tantum præcisissimis verbis proferri, non occides, quia cætera subintelliguntur, nec in forma legis humano modo positæ omnia declarari possunt. Econtra lex de non blasphemando æquè generaliter & indefinitely menti & rationi objicitur, prout generalibus & indefinitis verbis solet scribi, aut ore proferri.

§. 128.

§. 128.

Leges naturales, quarum objectum suo modo duplum speciem complectitur, (§. 125.) versantur circa actus I. Supponentes liberum exercitium voluntatis, quae alterius cuiusdam dominativæ potestati est subdita: vel II. Attingentes materiam in alterius jure positam.

§. 129.

Actus supponentes exercitium voluntatis alteri subjectam, sunt Votum, Juramentum, Contractus filii impuberis &c. Horum obligatio est Juris naturalis: nihilominus irritari possunt à Patre. (a) Quia e. g. votum impuberis supponit exercitium voluntatis, quam pater sibi habet subjectam. Cùm enim filii impuberes regere præ ætate, & defectu maturi judicii seipso non possint, leges ipsorum voluntatem subjiciunt potestati patriæ. Similiter Religiosus ad plenam sui abdicationem per votum obedientiæ voluntatem suam submittit voluntati Prælati sui. Consequenter filius impubes aut Religiosus in ejusmodi promissis, contraria &c. non potest aliquid efficaciter ac validè velle, si contradicat Pater vel Prælatus. Supposito igitur hoc dissenso Patris vel Prælati, non obligat contractus, votum &c. Ex quo tamen non mutatur Jus naturale, quia istud nunquam exigit obligationem voti, quod edit filius impubes vel Religiosus, dissentiente Patre, aut Prælato.

(a) Numer. XXX. 4. C. 1. 2. XX. q. 2. C. 14. 15. XXXII. q. 2.

§. 130.

Actus attingentes materiam in alterius jure positam, sunt iidem Contractus, Vota, Juramenta &c. ab iis posita, qui liberam quidem & expeditam, nec à quoquam dependentem habent volendi facultatem: sed tamen

I

ma-

materiam sui Contractus, sui Voti aut promissi, non habent in plena sua potestate. Sic si filius jam in pubertate, sed tamen in potestate patria constitutus, vovet longam peregrinationem, largam eleemosynam ex re familiari, multa jejunia, quæ vires ad consuetos labores diminuerent &c. quamvis pater, hujus filii puberis voluntatem sibi non habeat subjectam, uti de impubere diximus; nihilominus quamdiu talis filius est in domo & potestate patris, illæ ejusdem filii actiones subsunt patris imperio, quæ rem familiarem attingunt, ne impediatur regimen liberum & expeditum familie, ne filius nimium subtrahatur ab obedientia & cura patris. Sic etiam si parochus voveat peregrinationem, & facultatem ab Episcopo petat, iste autem neget; votum non obligabit. Si subditus extero vendat frumentum, Princeps autem extractionem frumenti extra Provinciam prohibeat, cessabit obligatio contractus, quæ tamen absque prohibitione Principis esset Juris naturalis. Idem contingit, si materiam aliæ circumstantiæ reddant illicitam, aut immutent. Sic gladium Petri apud me depositum non possum reddere, si Petrus in vindictam de inimico summandam pronus eum repeatat: nam obligatio voti, jura menti, depositi non aliter datur, quam si pater consenserit, vel saltem non repugnaverit juxta exigentiam materiae; si aliunde materia non sit prohibita &c.

§. 131.

*Idem de
Præceptis
negativis.* Quod dictum est de Præceptis Juris naturalis affirmativis, quibus aliquid præcipitur, (§. 130.) idem intelligendum est de Præceptis negativis, quibus aliquid prohibetur, uti jam supra insinuatum. (§. 125.) Multæ enim materiae ex aliena voluntate ita immutantur, ut non constituant objectum legis naturalis prohibentis. Rem alterius sibi sumere, vel bona fide acquisitam post cognitum dominum retinere, prohibet lex naturalis: non tamen id probibet pro

pro iis circumstantiis, quando illud fit ex consensu domini, vel alterius, qui plenam habet de re illa disponendi facultatem. Sic spolia Aegypti concessit Hebræis Deus: Spolia hostium concedit militibus victor in bello justo Dux: rei alienæ dominium in bonæ fidei possessorem transferunt leges præscriptionis. Sic non obstante, nec mutato Præcepto naturali *non occides*, licet Abraham immolare voluit filium suum; licet quis interimit invasorem pro necessaria sui defensione: licet Judex latronem ad mortem condemnat: licet carnifex condemnati caput amputat: supposita belli justitia licet hostium acies sternitur. Scilicet præceptum legis naturalis non comprehendit, neque prohibet occisionem justam, retentionem seu ablationem rei ex consensu illius, qui potestatem habet de ea disponendi. Hæc satis plana & obvia sunt.

§. 132.

Major est difficultas in explicanda dispensatione circa *Quid circa dispensatio in Voto, in Juramento &c.* Cūm enim dispensatio supponat obligationem legis, & ab ea liberet, hinc regulariter ad dispensationem requiritur potestas vel æqualis, vel major illa, qua lex fuit posita. Inferior enim non dispensat in lege superioris. Non igitur caret difficultate, ut ostendatur, qua ratione dispensetur in Voto & Juramento, quin dicatur dispensari in lege naturali & Divina. (a) Locus hic non est enodandæ hujus difficultatis. Tantum certum supponimus, in Ecclesia dari potestatem dispensandi in Votis & Juramentis: & hoc supposuisse, ad præsens argumentum sufficit.

(a) MELCHIOR CANUS in *Relect. de Pœnit. Sacram. part. 6. prope fin. vias ab aliis inventas minimè probans, se facilè expedit, permittendo, Prælatos Ecclesiæ dispensare posse in lege naturali & Divina, quando id non ad destructionem, sed ad ædificationem Ecclesiæ requiritur.*

§. 133.

*Juris na-
turalis
absoluti &
conditio-
nati no-
mina.*

Ex dictis eruitur sensus quorundam Authorum, qui Jus naturæ dividunt in Absolutum & conditionatum. *Absolutum* dicunt, quod absque ulla suppositione immediate obligat, habetque objectum intrinsecè & semper bonum, vel vicissim ita intrinsecè malum, ut pro omnibus casibus & circumstantiis necessariò sit prohibitum. Exemplum talis Juris absoluti *affirmativi* est, colere DEUM; *negativi*, non mentiri. *Conditionatum* vocant, quod obligat sub aliqua suppositione, seu conditione ab aliis afferibili. Sic rerum proprietas est Juris naturalis, supposita divisione: pacta obligant mediante consensu, quem tamen dissolvere possunt ipsi contrahentes mutuo dissensu: votum, juramentum obstringit, nisi pater in filio impubere, vel alius superior, qui potestatem in voluntatem voventis habet, obligationem tollat: non licet occidere, nisi Deus, supremus vitæ & necis Dominus id concedat; nisi authoritas publica, vel necessaria defensio id exigat: non licet aliena rapere, nec retinere, nisi Deus bonorum omnium Dominus, aut extrema necessitas det facultatem aliena occupandi, aut nisi lex ope præscriptionis transferat dominium. Nam, ajunt, per ejusmodi concessiones materia à lege naturali, seu mente Legislatoris Divini eximitur, ut materia non ultra sit sub prohibitione vel Præcepto legis; quam mutationem merè extrinsecam & materiale vocant.

§. 134.

*Sunt inno-
xia:*

Qui hac ratione loquuntur, nihil sentire, aut asserere videntur veræ doctrinæ contrarium: verbis tamen utuntur, vel ex quorundam imperitia ad falsas Ideas formandas, vel ex aliorum malitia ad invidiam creandam aptissimis. Cùm enim per actus conditionatos intelligere soleamus eos, quorum obligatio interim est suspenſa, donec evenerit aliqua

qua conditio; hinc imperitus quispiam facilè in errorem posset trahi, ut sibi persuadeat, ejusdem indolis etiam esse leges quasdam naturales; vel malevolus quispiam occasionem inde posset sumere, dicta horum Authorum in pravum sensum detorquendi.

§. 135.

Missis igitur hisce phrasibus, firmiter tenendum, legem *Consultius* naturalem esse omnino immutabilem, ac indispensabilem; *tamen est,* nec in dictis casibus ullam contingere mutationem circa objectum legis naturalis. Nam transgressio pacti, vel voti irritati, aut per dispensationem sublati: occisio ex imperio DEI: ablatio rerum consentiente Supremo Domino, vel cogente extrema necessitate: retentio rei præscriptæ &c. hæc & similia nunquam fuerunt objectum legis naturalis, nunquam fuerunt comprehensa sub ea lege; unde non opus est dicere, ea eximi à lege, ea conditionatè esse prohibita &c.

§. 136.

Mihi persuasum est, ejusmodi Auctores, qui Juris naturalis absoluti & conditionati mentionem faciunt, non *Ut omit-
tatur.* alia ratione ad has improprias locutiones delapsos esse, quām ex studio clariūs, & ad captum discipulorum suorum explanandi obligationem Juris naturalis circa diversas materias. Unde qui innoxiis verbis bono zelo adhibitis, depravatum vellet sensum affingere, & ludendo in verbis, gravissimos errores illis impingere; virum hunc oportet esse, qui sinistros animi affectus specioso severioris Theologiarum pallio conatur obtegere. A quo tamen nemo condatus aut prudens rerum æstimator sibi fucum fieri patietur.

§. 137.

Præmissa Juris naturalis notitia, accedimus ad examinandum Titulum, quem pro exigendo auctario supra sor- Art. 2. OPINIO P. PICHLER, tem,